

KYRKJEBLAD

FOR VAKSDAL PRESTEGJELD

Nr. 6

Oktober 1994

48. årg.



Ha takk at eg får tena Deg!

Ha takk at eg får tena Deg!
Min Gud, her er mi hand.
Utruleg: Vil du bruka meg?
Så loys då alle band!

Ha takk at eg får prisa Deg!
Min Gud, lat opp min munn!
Utruleg: Vil du hoyra meg?
Så fyll då hjartegrunn!

Ha takk at eg får fylgja Deg!
Min Gud, å, for min fot!
Utruleg: Vil du senda meg?
Så gjev meg makt og mot!

Ha takk at eg får elska Deg!
Min Gud, her er min hug.
Utruleg: Vil du eiga meg?
Så unn meg dag og dug!

Per Lonning

TAKK

**Å, var min sjel av takk så full
som Herrens nåde er meg huld,
da ble det som han ville:
Da ble mitt hjertesukk til sang,
da ble min dag en kirkegang
fra gry til kvelden silde**

(P. A. Jensen (frå Bergen) stiftsprovst i Christiania anno 1860.

Med disse orda av ein velvyrd - og i si tid mykje omstridd - kollega vil eg gjerne seia takk for sju rike år i samver og samarbeid med kyrkjelydane i Bjørgvin. Det er så mange andlet, det er så mange handtrykk, det er så mange gode og venlege ord og minnest. Serleg inntrykk på meg gjorde på den eine sida møtet med alle dei aktive, ansvarsmedvitne, dei som ber kyrkjelivet med truskap i gudstenestelyd og arbeidslag, på den andre sida med alle borna og dei unge som fylde kyrkjene (eller gymnastikksalane) ved dei friske, levande skulegudstenestene eg har fått vera med på.

Ikkje mindre må eg takka for det som mi kjære Ingunn og eg har mott av kjærleik og godhug i samband med oppbrotet. Avskiltsdagen søndag 28. august vart ei forunderleg god oppleving med den store og levande gudstenestelyden i Domkyrkja som sjolve hogdepunktet. Likeeins må eg få takka for alle venlege helsingar: venlege smil, handtrykk, brev, blomar og gaver. Ein serleg takk til kyrkjelydane for den sams gáva: Eg fekk ei festleg bok bunden i skinn, der kvart einskild prestegjeld hadde medverka med ein rapport i ord og bilete. Noko finare minne frå Bjørgvin-åra kan eg ikkje tenkja meg. Like eins fekk eg overreikt eit EDB-anlegg som eg veit vil koma til stor nytte. Det siste året har eg - takka vere dugelege medarbeidarar på kontoret lært elektronisk teksthandsaming godt nok til at eg alt merkar eg har stor nytte av den nye teknologien, og hadde eg ikkje fått denne fine gáva no, hadde eg vore nøydd til å kjøpa inn eit anlegg sjølv.

Sume har spurt meg kvifor det ikkje vart tale om noko målarstykke med portrett av biskopen til opphenging i Domkyrkja eller noko «pensjonistkross» med kjede som eg kunne bera no eg gjev Johan Nordahl Brun sin bispekross frå 1815 ifrå meg til etterfylgjaren. Til dette er å seia at eg sjølv ville det slik. Der heng alt eit målarstykke av meg i Domkyrkja frå mi domprosttid, og eg har ikkje vorte så mykje fagrare i mellomtida at det ville gagna ettermålet om dette dynamiske portrettet Bjørn Tvedt måla i 1969, skulle få eit gamalt, grånande andlet til motstykke. Då er det beste å føya bispeåra mine til på den vesle plaketten som alt står på dette måleriet. Og når dei gjeld bispekross, så har eg alt i forvaring ein, der namna står inngraverte til Andrerås Fleisché, Karl Marthinussen og Ragnvald Indrebø, og det ville vera ei ære for meg med tida å sjå mitt eige namn saman med desse. Det er difor eg sjølv som har bede om at det ikkje skulle investerast i korkje portrett eller bispekross no.

Vidare fekk eg frå medarbeidarar, dei kyrkjeleg tilsette rundt i bispedomet, eit fin målarstykke av Domkyrkja i Bergen utført av kunstnarinna Lise Landmark. Med dei sterke kjensleband som knytter meg til denne kyrkja bade frå domprosttida (1964-69) og no sist fra bispeåra, var dette ei serleg kjær gave, som eg òg takkar for av hjarta.

Det er med tryggleik og glede at eg no overlet bispestolen til etterfylgjaren min, Ole Danbolt Hagesæther, som eg har kjent gjennom mange år. Mellom anna var eg ein av dei som hadde gleda av å leggja handa på hovudet hans da han i si tid vart prestevigsla i Bergen Domkyrkje, og eg opplever difor på ein serleg måte det kyrkja frå gamalt har kalla ein «suksesjon»: ei rekkefølge, ein stafett av bodberarar som strekkjer seg fra generasjon til generasjon gjennom alle dei kristentider. Guds signing over tenesta til den nye biskopen - Guds signing over Bjørgvin bispedome i tida som kjem!

Dykkar
Per Lonning

HELSING

I høve avgangen til biskop Lønning var Vaksdal Prestegjeld med på ei bokleg helsing til biskopen. Kvart prestegjeld hadde to sider. Frå vårt prestegjeld var det naturleg å ta med ord og bilete frå visitasen i april 1988. I tillegg til dette skreiv Kjell Arne Norum eit dikt til Lønning som me vil ta med her:

Fjordar, fjell og lange dalar,
kyrkjer sju der Guds ord talar
tukt og trøyst i sut og hell -
det er Vaksdal prestegjeld.

Vi takkar Gud, vår gode far
i tenesta vi saman har
for rett og sanning - glede! - fred!
Han gjev oss liv og mot og mød!

No helsar vi til bispen vår
og ønskjer rike, gode år.
Takk, bisp, for alt du gav av godt
- av kjærleik til vår store drott.
Guds fred for kona di og deg -
i tida her og æveleg

TV-AKSJON 1994 - søndag 6. november

Det handlar om menneskeverd

Den årlege TV-aksjonen er i år gjeven til Norsk Folkehjelp. Samhald, solidaritet og menneskeverd har vore berebjarlar for denne organisasjonen sidan den tok opp arbeidet i 1939. No ber den om støtte til naudhjelp og kamp mot fattigdom.

Eigentleg handlar denne aksjonen om å ta medmenneske på alvor. Fortvilning over nauda i verda kan få konstruktivt uttrykk i nestekjærleik. Det er fint å oppleva desse søndagane om hausten. Alle slags dorer vert opna: Gatedører og hjartedører, det merkar dei som går med bossene. Eg vil be om at alle oppegåande nordmenn med syn for nauda hjå andre menneske, tenkjer gjennom om dei ikkje skulle melda seg som bosseberarar den dagen!

Vi kjenner Norsk Folkehjelp sitt arbeid i Bosnia-Hercegovina, i Angola og Chile. Her heime har

mange av oss merkt seg innsatsen for støttesentralar og asylmottak. Varm støtte frå den nye Bjørgvin-bispen! Norsk Folkehjelp har planane klare. Vi kan vera med på å få dei til å henda!
Lukke til!

Ole D. Hagesæther

Prostidag i Norheimsund

Dei planlagde prostidagane i Hardanger og Voss prosti i år blei til ein dag, laurdag 17. september. Då var vi inviterte til Norheimsund kyrkje, og temaet for dagen var «Ung i gudstenesta». Programmet var føredrag og verkstader der ein arbeidde med song og musikk, drama, bøn og forkynning i gudstenesta. Morgonbøn og nattverd-gudsteneste var det også, i tillegg til matøktar og nokre pausar.

Frå Vaksdal prstegjeld reiste 16 personar, og vi var heilt klårt det best representerte prestegjeldet. Og det var omtrent berre vi som var representerte med ungdomar denne dagen, sjølv om temaet skulle vera aktuelt nett for dei unge.

Kva som kjem ut av av prostidagen vil syna seg etter kvart. Det må vere eit mål at vi kan gjera det slik at dei unge kan finna seg til rettes i gudstenesta. Eigentleg slik at så mange som mogleg kan gjere nettopp det.



INNSETJINGS-GUDSTENESTA

Etter at sokneprest Frode Kvamsøe hadde «tjuvstarta» med ei gudsteneste på Nesheim 21. august var dagen komen for innsetjings-gudsteneste. 28. august. Heile 186 personar var motte fram i Dale Kyrkje. Prost Knut A. Knutsen stod for den formelle innsetjinga og overrakte Kvamsøe kollasen, tilsetjingsbrevet, frå biskop Per Lønning. I kollasen går det fram at Kvamsøe er retteleg kalla prest i kyrkjelyden og at kyrkjelyden vert bedne om å ta i mot presten og syna han den vordnad og kjærleik som ein kristen kyrkjelyd er sin Herres tenar skuldig. Knutsen nytta hove til å ynskja presten velkomen i prestegjeldet.

Dale Mannskor deltok også under leiing av Lars Ragnvaldsen.

Elska fiendane dykkar

I preika si tok Kvamsøe utgangspunkt i Matt. 5. 43-48 der det står at me skal elska fiendane våre og ta oss av dei som forfølgjer oss. -Me har vel alle nokon me ikkje likar. sa Kvamsøe, alltid nokon som hakkar på og kritiserer oss. Me må elska dei, teksten handlar om kjærleik. Ta dykk av dei farlause og innvandrarane vis dei til rette. Kjærleiken var berre vera konkret og visa seg i handling. Berre for andre da er det ikkje berre dei me ber for som vert lagde fram for Gud, me sjolve vert lagde ope fram for Jesus, sa Kvamsøe.

Jesus doyde for alle og framfor Gud står me alle likt. Guds kjærleik er stor nok for alle, sa Kvamsøe.

FEST

Etter gudstenesta var folk fra heile prestegjeldet inviterte til fest på Stanghelle Bedchus. Bedchuset var meir enn fullt og der fekk me servert betasuppe, kaker, kaffi og saft. Elévar fra 1.-3. klasse ved Stanghelle Skule hadde pynta opp med bilete om skapingshistoria. Elles deltok born med song og Anc Laastad Dyvik sytte for fin pianomusikk og ei gruppe leia av Einar Mjelde song.

Helsingar

Fyrste mann på helsinglista var Reidun Takvam som er formann i Dale Sokneråd og i Fellesrådet. Ver hjarteleg velkomen, me er glade for at du valde oss, sa Reidun mellom anna. Ordforar Otto Berg helsa frå Vaksdal Kommune. Arne Verpelstad helsa frå Indremisjonane i Vaksdal. Gudrun Boge Karlsen helsa frå Vaksdal. Trygve Urhaug helsa frå frikyrkjelydane i Vaksdal. Dag Inge Dæmring helsa frå det kristene skulelaget og Arne Normann frå søndagsskulelaget. Dei bar alle fram varme og gode ord. Forutan desse var to prestar på talarlista, det var bror til Kvamsøe, Arne Dag, som er prest på Finnøy og Olav Fjose.

Eli Kringlebotten hadde fått i oppdrag å helsa prestefrua, Kristi Kvamsøe, hjarteleg velkomen. Frode Kvamsøe takka for alle godorda, dei vermde godt.

Til slutt helsa Kjell Arne Norum med eit ord frå 1. Krønikebok.



Kristi Kvamsøe fekk velkomst ord og blomar fra klokkar i Dale Kyrkje Eli Kringlebotten.
(Foto: Ragnvald Kringlebotten)



Frode Kvamsøe framme til høgre saman med familie og folk frå Vaksdal prestegjeld.

(Foto: Ragnvald Kringlebotten)



Borna song under leiing av Merete Kjelby
(Foto: Ragnvald Kringlebotten)



Fyrste gudstenesta til Kvamsøe i Vaksdal kommune var på Nesheim 21. august. Her er fra samlinga etterpå på Bergo skule.

(Foto: Ragnvald Kringlebotten)

SØNDAGSKULENS DAG

Søndag 11. september var folk frå fleire stadar i Vaksdal samla til Søndagsskulens Dag i Bergsdalen Kyrkje.

Krinssekretær Nils Arne Lavik og Kjell Arne Norum deltok under gudstenesta.

I talen tok Lavik for seg teksten om modrene som kom til Jesus med borna. Læresveinane ville hindra dei, men da vart Jesus harm, lat smaborna koma til meg. Jesus er glad i oss same kor sma eller store me er, sa Lavik.

Velsigning

Jesus er ikkje ferdig med a velsigna oss. Nei det held han på med heile livet. Me vert aldri så store at me kan klara oss sjølve, me treng alle barnetrua i oss. Ikkje sa a forsta at me ikkje skal veksa som kristne, men la Jesus vera den store og faste haldepunktstet i livet vart. Lat oss aldri hindra nokon i å koma til Jesus, sa Lavik.

Mat og leik

Etter gudstenesta var det matokt i kyrkjesalen i kjellaren og leik ute i det fri. Etter dette vart det heile avslutta med ei songstund der Nils Arne Lavik fortalde om 150-arsjubileet til søndagsskulen i Noreg.

Regn med søndagsskulen

Slagordet «Regn med søndagsskulen» fekk verkeleg meining på jubileumsfeiringa på Torgalmenningen i Bergen laurdag 10. september. Nokre frå Vaksdal kommune saman med ei mengd andre søndagskuleborn, foreldre og besteforeldre hadde funne vegen til Bergen i ausande regnver. Arild Søndre Sekse leia det heile og Ingeliv og Hildegunn Reigstad med forldra, koret «Levand Lys» frå Frekhaug og Bjarte Leithaug sytte for song. Ingmar Ljones helsa fra Bergen kommune og overrekte ei pengegäve på 5.000. Omlag 15.000 kom inn i kollekt og festen kom ut med overskot, sa Nils Arne Lavik.



Mat og drikke må til på Søndagsskulens Dag

(Foto: Ragnvald Kringlebotten)



Søndagsskuleborn og vaksne frå Vaksdal kommune i storm og blest på Torgalmenningen.

(Foto: Ragnvald Kringlebotten)

BISPEINNSETJING

Sondag 18. september rann med strålende ver, og folk frå heile bispedomet samla seg i Domkyrkja i Bergen for å oververa innsetjinga av den nye biskopen, Ole Danbolt Hagesæther. I tillegg var det geistlege gjester frå Norden og England. Styresmaktene var representerte og frå kongehuset motte Kong Harald.

Ein av gjestene var fra Vaksdal prestegjeld og det var klokkar i Dale kyrkje. Eli Kringlebotten.

-Kva tankar gjorde du deg når du fekk spørsmål om å reisa?

-Eg såg på det som stor ære og glede å få høve til å representera prestegjeldet vårt på denne måten, seier Eli Kringlebotten.

-Kva sit sterkast att etter gudstenesta?

-Det som gjorde mest inntrykk, var at me vart så sterkt minna om kor viktig det er å be for vare overordna i kyrkja. Biskopen slutta også preika si med å spesielt be om forbøn frå kyrkjelydane. Ein annan ting som gjorde sterkt inntrykk var den levande og samstemte salmesongen, og songen til Bergen Domkantori som vart leia av Magnar Mangersnes.

FEST

Kva skjedde etter gudstenesta?

-Da sto bussar klare for å frakta oss til Hakonshallen der det skulle vera festsamkome. Kan du nemna noko av programmet der?

-Der fekk me servert kaldrett, dessert og kaffi. Dessutan var det tale av Kong Harald som ynskte den nye biskopen til lukke med arbeidet. Vidare var det helsingar frå varaordforar Ingmar Ljones, statsrad Gudmund Hernes, leiar i Bispedomeradet Helga Hjetland, leiar i kyrkjeradet Oddbjorn Evenshaug og ein representant fra dei nordiske biskopane. Vidare fekk me song av Harald Bjarkoy akkompagnert av Turid Bakke Braut.

Oppgåve

-Du fekk ei utfordring av prerstane for du drog, kva gjekk den ut på?

-Dei utfordra meg til å få teke eit bilete av den nye biskopen og meg til bruk i kyrkjebladet, seier Eli.

Som me kan sjå gjekk det greit og kyrkjebladet takkar for at du tok den utfordringa på strak arm.

(R.K.)



Biskop Ole D. Hagesæther saman med Kringlebotten.

(Foto: Ukjent)



BARNESIDE

NÅLA PÅ JAKKEKRAGEN

av Frida Blaker
tidlegare redaktør i Blåveisen

Lysset vekte meg. Eg fekk den blågrøne morgonhimmelen midt i fleisen. Eg drog dyna godt over hovudet og døde av. Senga kjendest alltid herleg på denne tida av døgeret.

Ei stund seinare tusla eg, med hendene djupt i jakkelommene, over tunet mot Kvitesalen. Det var morgonbøn kvar dag på leiren, og endå eg kjende meg trøytt i dag og helst ville sove litt lenger, visste eg at eg måtte gå dit. -Bøn er viktig, sa Kari alltid. -Du kan ikkje pusta som ein kristen utan bøn.

Eg smilte litt for meg sjølv og keik opp mot skogen. Så nydeleg! Grantrea stod tunge og lydlause. Over toppane lag rosa hattar av sno. Morgonsola hadde stått opp over åskammen i

aust og kasta strålane mot skogen på vestsida. Mange, mange var på veg inn i Kvitesalen. Alle var stille. Det var hogtid.



I det eg sette beinet på første trappesteget, såg eg det. Der stod Kjell, midt imot meg. Han smilte.

-God påske, Frida!

Men det var ikkje Kjell eg såg. Eg høyrde nesten ikkje kva han sa. Augo mine festa seg ved ei stor nål han hadde på jakkeslaget. **JESUS LEVER**, stod det på nåla.


Jesus lever! Jesus lever! Det song inni meg. Alt vart på ein augeneblikk liksom heilt, heilt lyst. Alt det mørke og triste med synd og død og slikt var borte vekk!

Nett den morgonen vart eg heilt sikker. Jesus lever! Eg visste det var sant. Jesus vann over synda. Jesus vann over doden. Han gjorde det for meg



KATT

Klipp ei papirremse, ca. 20 cm lang og 5 cm brei. Teikn eit hovud i den eine enden og klipp varsamt rundt øyrene. Lag eit hol i den andre enden av papir remsa. Barten til katten lagar du av garn. Lim ei perle på til snute. Fest ein garnende til perla. La snora gå inni katten og gjennom holet bak. La garnet hengja eit stykke bakover, så har katten fatt hale. Dersom du dreg halen, skyt katten rygg.



FORBØN I KYRKJA

Me tek oppatt ei innbyding som alltid står ved lag: Om nokon ynskjer forbon i kyrkja, sa gjev beskjed til prestane på forehand. Då tek me det med i forbona under gudstenesta. Det kan godt skje utan at namnet vert sagt - ofte vil det vera naturleg slik.

Me tek òg imot forslag til aktuelle ting å be for elles. Eller kanskje det er noko me skal takka for saman?

Slå på tråden, eller snakk med oss i litt god tid for gudstenesta tek til!

Prestane

FREDAGSSAMLING

I haust vert det litt annleis med nattkafear. På spørsmål til Einar Mjelde får kyrkjebladet vita at det skal berre vera 3 nattkafear for jul, nattkafearne skal vera på fredagar. Den siste i desember vert på Stanghelle Bedehus med fest.

Dei fredagane det ikkje vert nattkafe skal det vera samling i Vaksdal kyrkje kl. 18 der ein skal syngja seg saman for ein samlar seg i bedhuskjellaren på Vaksdal til bibelgruppe omlag kl. 20.

Mjelde oppmodar til å fylgja med på oppslag for tidspunkt om nattkafe og songsamling. Nattkafearne vert som vanleg kl. 21.

ORGELGÅVE

Bergsdalen Soknerad har eit gammalt orgel som står i kyrkjellaren. Nå vil dei gje det bort. Det er eit kliktrisk orgel - 3-fase straum. Orgelet er ikkje i full stand og må sikkert reparerast.

Interesserte kan venda seg til Lise Lotte Smabrekke tlf. 56 59 89 68.



KYRKJEKONSERT

Kordial skal i november ha to kyrkjekonsertar.

Den fyrste vert i: **Vaksdal kyrkje**

laurdag 19. november kl. 17.00

Den andre vert i: **Stammes kyrkje**

søndag 20. november kl. 17.00.

Dirigent: Randi Rimabareid.

Solist: Tone Kristiansen.

På orgel: Julia Harbrecht

Alle er hjarteleg velkomne.

SLEKTERS GANG

DØYPTE



DALE

11.09 Adrian Rorgard Simmenes

11.09 Elise Kalvik

11.09 Sandra Seim Myklebust

VAKSDAL


21.08 Ruben Marcel Skage Solheim

04.09 Aleksander Stanghelle Bruvik

STAMNES

25.09 Robert Dyvik

25.09 Iselin Dæmring Hagen




VIGDE



DALE

10.09 Johannes Arne og

Torbjorg Irene Rodberg Arne



AVLIDNE



DALE

01.07 Johan Fyllingslid f.1910

12.09 Ingeborg Øpsen

VAKSDAL

11.08 Josefina Skulstad f.1901

27.08 Obert M. Herfindal f.1912

01.09 Johannes Nicolai Pahlm f.1923

09.09 Kristian A. Audestad f.1923

STAMNES


23.08 Randi Brorvik f.1939

22.09 Karsten Kulshamar f.1921

20.09 Kåre Peder Klausen f.1917

EKSINGEDALEN

27.08 Ragnhild Flatekval f.1917



STOFF TIL NESTE NR.

(julenummer) må vera kome redaktøren i hende innan 14. november 1994.

Bladet kjem ut i veke 50 som byrjar med 12. desember.

Ragnvald

Samtale med presten

Prestane står til disposisjon for samtale.

Avtal helst på forehand.

Prestane har teieplikt.

Vaksdal prestegjeld

Sokneprest

Frode Kvamsøe tlf. 56 59 61 20.

Res. kap. Kjell Arne Norum

tlf. 56 59 70 88 Mobiltlf.: 945 02992.

Kontorfullmektigen er på kontoret tysdag og torsdag kl. 9-13.

HUGS. mandag er presten sin fridag.

KYRKJEBLAD FOR VAKSDAL

Utgjevar: Soknerada

Bladpengar: kr. 60.-

Annonsepris: kr. 2.20 pr. sp. mm.

Postgiro: 0808 57 23 4 73

Bankgiro: 3500.50.13 117

Bladstyrar: Ragnvald Kringlebotten.

5273 Stanghelle. Tlf. 56 59 51 81.

Kasserar: Asle Georg Karlsen, Boge.

5270 Vaksdal. Tlf. 56 59 72 32.

Eksp. og trykk: Øystese Trykkeri A/S.

5610 Øystese. Tlf. 56 55 50 45.

Retur til Øystese Trykkeri A/S.

5610 Øystese.

VELKOMEN TIL KYRKJE



23.oktober - 22.søndag etter pinse

DALE KL.11.Fam.gudst.Norum.Utdeling av «Vener i kyrkja» til 2.kl.Offer til IKO.
NESHEIM KL.11.Kvamsøe.Nattverd.Offer til Den Norske Santalmisjon.

30.oktober - Bots- og bededag

VAKSDAL KL.11.Norum.Nattverd.Offer til Den Norske Sjømannsmisjon.
STAMNES kl.11.Kvamsøe.Nattverd.Offer til Folkebevegelsen for Livsrett og Menneskeverd. **STANGHELLE kl.18.**Norum.Nattverd.Offer til Norsk Misjon i Øst.

6.november - Helgemessesøndag

DALE kl.11.Norum.Nattverd. Offer til Kirkens SOS.
EIDSLAND kl.11.Kvamsøe.Nattverd. Offer til Det Norske Bibelselskap.
VAKSDAL kl.18.Musikkandakt.Kvamsøe.

Onsdag 9.november

STAMNES kl.19.30
Musikkandakt.Kvamsøe.

13.november - 25.søndag etter pinse

VAKSDAL kl.11.Kvamsøe.Nattverd.Offer til Norsk Lærarakademi.
EKSINGEDALEN kl.16.Kvamsøe.Nattverd. Offer til Soknerådet.

20.november - siste søndag i kyrkjeåret

DALE kl.11.Fam.gudst.Kvamsøe.Utdeling av «Barnas Kyrkjebok» til 4 åringar.Offer til Søndagskulane på Dale og Stanghelle.
STAMNES kl.11.Norum.Nattverd.Offer til Norsk Misjon i Øst.
BERGSDALEN KL.16.Norum.Nattverd.

27.november - 1.søndag i advent

NESHEIM kl.11.Fam.gudst. Norum. Utdeling av «Barnas Kyrkjebok» til 4 åringar.Offer til Den Norske Santalmisjon.
VAKSDAL kl.18.Lysmesse.Norum.

Laurdag 3.desember

BERGSDALEN kl.16.Lysmesse.Kvamsøe.
STAMNES kl.17.Lysmesse.Norum.

4.desember - 2.søndag i advent

VAKSDAL kl.11.Norum.Nattverd.
DALE kl.18.Lysmesse.Kvamsøe.

Fredag 9.desember

GRØSVIK GRENDAHUS kl.16.30
Adventmøte.Norum.

Laurdag 10.desember

DALE.Konsert.

11.desember - 3.søndag i advent

DALE kl.11.Norum.Nattverd.
EKSINGEDALEN kl.11.Kvamsøe.Nattverd.
VAKSDAL kl.18.Julekonsert.Norum.

18.desember - 4.søndag i advent

EIDSLAND KL.11.Fam.gudst.Norum.Utdeling av «Barnas Kyrkjebok» til 4 åringar.Offer til Kirkens Nødhjelp.
DALE kl.18.Julekonsert.